

U okviru projekta Evropski akt o malom biznisu kao okvir strategija i politika za mala i srednja preduzeća u Bosni i Hercegovini (Projekat), Agencija za razvoj preduzeća – Eda, Banja Luka, raspisuje:

JAVNI POZIV

dostavljanje projektnih prijedloga za podršku izgradnji infrastrukture kvaliteta u BiH kroz podršku akreditaciji metoda koje koriste tijela za ocjenu usaglašenosti

1. Predmet i cilj poziva

Predmet Javnog poziva je dodjela bespovratnih finansijskih sredstava (granta) iz Mehanizama za podršku implementaciji strategija razvoja malih i srednjih preduzeća (SIEM) u okviru Projekta. Projekat je finansiran od strane Švedske, posredstvom Švedske agencije za međunarodni razvoj i saradnju (Sida).

Cilj javnog poziva je izgradnja kapaciteta za podršku razvoju MSP u BiH u oblasti infrastrukture kvaliteta, kroz podršku tijelima za ocjenjivanje usaglašenosti – akreditovanje metoda.

2. Prihvatljivi podnosioci prijava

Prihvatljivi podnosioci prijava su fakulteti i instituti kao članice/organizacione jedinice javnih univerziteta u Bosni i Hercegovini.

3. Raspoloživa sredstva i namjena sredstava

Ukupan raspoloživi iznos bespovratnih finansijskih sredstava za ovaj javni poziv je 200.000,00 KM.

Sredstva mogu biti korištena za realizaciju projektnih intervencija koje doprinose izgradnji infrastrukture kvaliteta u BiH, kako je definisano u Uputstvu za prijavu za sredstva iz Mehanizma za podršku implementaciji strategija razvoja malih i srednjih preduzeća (Uputstvo).

4. Sufinansiranje

Podnositelj prijave može predvidjeti sufinsansiranje predloženih aktivnosti, kako je to definisano u Uputstvu.

5. Ocjena prijava

Sve predložene prijave biće ocijenjene na osnovu formalnih uslova i kriterijuma koji se odnose na:

- Kompletnost prijave,
- Prihvatljivost podnosioca prijave,
- Prihvatljivost projektnih intervencija za koje se zahtijeva dodjela bespovratnih sredstava,
- Kvalitet projektnog prijedloga.

4. Podnošenje projektnih prijedloga

Prijave za dodjelu bespovratnih finansijskih sredstava podnose se na propisanoj formi (Prilog I – Aplikaciona forma), u skladu sa navedenim u Uputstvu.

Uslovi za prijavu, detaljno pojašnjenje načina prijavljivanja, Uputstvo, kao i kompletni obrasci i potrebna dokumentacija dostupni su na linku <http://bit.ly/38pWmsu>.

Prijave se dostavljaju u jednoj, zapečaćenoj koverti, preporučenom pošiljkom ili lično na adresu „Agencija za razvoj preduzeća – Eda“, Đure Jakšića 11, 78000 Banja Luka, sa sljedećom naznakom na koverti „Prijava za dodjelu sredstava iz SIEM – akreditacija, ne otvarati prije sastanka Komisije“.

Svi prijavni obrasci se dostavljaju u originalu u štampanoj verziji (1 primjerak), s tim da se Prilog I (aplikaciona forma) dostavlja u 2 kopirane verzije.

Podnosioci prijava će na osnovu kontrolne liste koja se nalazi u aplikacionoj formi biti u mogućnosti da provjere da li je njihova prijava kompletna. Dostavljene prijave se ne vraćaju.

Krajnji rok za prijem prijava je 10.03.2021. godine, do 15.00 časova.

Kao blagovremene prijave će se smatrati samo one prijave koje budu dostavljene Edi do gore navedenog roka. **Prijave moraju biti dostavljene do naznačenog dana i sata, bez obzira na to kada je prijava poslana, niti na koji način je poslana.**